

BOCHOR REAK' 21AK' ATHWAR

Onor

Kristre adi manotan dularia Go-Baba, boeha-miserako- jotoko Jisu marani

Teheñ do bochor reak' Bar gel pahil athwar kana. Teheñak Bhage Sombatre, aboren Probhu Jisuak' adi daman kuklibon anjometkana, "Menkhan ape do okoe kanan mentepe meneda?" Non kukli do mit'-mit' isai boeha-misera lagitge kana. Sonot Patrasak' uttorbon anjometkana. Uni doe menetkana, Am do Masi, jiwet' Isorren Hopon kanam."

Abo sanamko ho, Jisu babot aema jinisbon badaea, Uni babot aema kathako bon anjomakada ar aema jinisge parhao hotetebon arjauakada; menkhan Jisu do bud-akil hotete badaeakat' jobab do ban menkhan Uni do, Uniak' atkartet' namakad babotge kana. Cet' abo sanam do, pura mone-jiwite, Uni badae lagitbon kurumutuyetkana. Uni panja reak' mane do noage je abo do Unire pura patiau ar aas-bhorsa doho hoyoktabona; Uniak' Katha anjom hoyoktabona, ika-ipika hatin hoyoktabona, goro-gopro hatin hoyoktabona, ar Unire patiar hoyoktabona.

Dela, dularia Go- Baba, boeha-miserako, teheñ abobon kulikma:

Cet' abo sanam do, Uni aboak' jionrebon atkarakadea?

Cet' abo sanam do, sari monte Uni panja lagitbon sapraogea?

Cet' abo sanam do, Uniak' gunko aboak' jionrebon jhalkao ocokyetkana?

Dela, dularia Go- Baba, boeha-miserako, Uni thenbon koema jemon sari monete Unibon badae name ar pura mone-jiwi bon emae.

Pahil Pat

Isaias puhi khon tehenak' pahil pat

Isaias 22:19-23

[19] In do amak' hudā khoniñ ocok'mea; ar amak' thāi khoniñ dheka nurmea. [20] Enhilok' inren guti Hilkiaren hopon Eliakim in hoho aguiyea. [21] Ar amak' kicric' in horok'aea ar uniyak' dandare amak' danda totlak' in tolaea ar amak' kami reak' bhar do unireñ jimakak'a. Uni do Jerusalem ar Jihudareko girobasok' kan bōskoren go baba lekae hoyok'a. [22] Uniyak' tarenre Daud bōs reak' choraniñ dohoaea; uni do onae jhija ar celege ona do bako siñ dareak'a, ar uniye sirnlere ona do cele ho bako jhic' dareak'a. [23] Mit'tec' ketec' jaegare khunṭi leka uni doñ bit'kaea, uni do apatak' bōs lagit' mit'tec' thonok reak' singhasone hoyok'a.

Noage Probhuak' katha do.

Sereñ Ruarok' Orhe

Sereño 137:1-2, 3, 6, 8

Corañ: 137:8

Corañ: Amak' daya, e Probhu, jaejug dhābićge tahenkana:

Amak' ti reak' kami do alo barem gidia.

1. Inák goṭa monte, e Probhu gun manao joharamkana,
Ente Am do inák moca reak kathakom anjomeda.
Dutko samanren orhẽmea,
Amak sonot mandir sec samankaten doboga.

2. Amak patiar ar dular nutumten gun manao joharamkana,
One Am reak allele badae khon cetange.
Inin hohoket hilokem rorruaradiña
Ar inak jiwi darem badhaokettina.

3. Probhu do cotre menaere ho, bapuric hore bengetaekana,
Ar sangin khon badaeyic doe nel thikedeade.
Amak daya, e Probhu, jaejug dhabicge takenkana:
Amak ti reak kami do alo barem gidia.

Dosar Pat

Romiko then bhoranic Prerit Paulusak cithi khonak tehenak Dosar Pat Romiko 11:33-36

[33] Isorak' dhon do asambhergea. Uniyak' bud ar akel ho khandringea. Uniyak' bicar ar sanam kamiko do oho dunghaulena. [34] Probhu Isorak' mon do okoe haleye badaeakada? Ar okoe ban uniren sosolhayic'e hoyakan? [35] Isor uparte okoeyak' ban dabiteak' menak'tae, onate uniyak' dabi do manao hoyok'taea mente? [36] Ente jotowak'ge con uni khon ar uni hotetege hijuk'kan ar sanamak' do uni lagit' kangea. Uniyak'ge jaejug thonok hoyok'tae ma. Amen.

Noage Probhuak Katha do...

Sarhao Aran

Mat 16:18

Alleluia!

Am dom Patras kana, ar In do noa catani cetanre Inak Girjan benaoa
ar norok reak phatokko do ona birudre oho soroslana.

Alleluia!

BHAGE SOMBAT

Sonot Matie olakat leka Bhage Sombat

Mat 16:13-20

[13] Jisu do Kaisariya Philipi reak' elakateye hec'enre ac'ren celakoe kuliket'koa, "Horiko do Manwa Hopon okoe kanae menteko meneda?" [14] Onkoko menkeda, "Adomko doko meneda am dom Johan bapaptisic' kana; ar adomko doko meneda Eliya kanam; arho adomko

doko meneda Jiriũa; ar bańkhan ńabiko modren mit' hoŕ." [15] Unre Jisui metat'koa, "Menkhan ape do okoe ńańań mentepe meneda?" [16] Simon Patrasedo ruŕkeda, "Am do Maşı, jiwet' Isorren Hopon kanam." [17] Jisui roŕ ruŕadea, "Jona hopon Simon, am dom bhańgea, ente okoe manwa hõ am then noa do bae sodor akada; menkhan ińren sernaren Babageye sodor akat'mea. [18] Ińiń metam kana, am dom Patras kana, ar noa dhiri cetanrege ińak' mandereń benao rakaba. Norok reak' oka daŕege onare bae jitaũ daŕeak'a. [19] Iń do serma raj reak' kaŕhikoń emama, ar jãhãnak'ge dhãtirem tol ona do sernare hõ tolge tahena ar jãhãnak'ge dhãtirem raŕae ona do sernare hõ raŕage tahena." [20] Ona tayom uni do celakoe sontorkat'koa jemon okoe hõ aloko laĩ baŕaye, ac' doe Maşı kanae mente.

Noage Probhuak' Jisuaķ Bhage Sombat do...

Dhorom Galmarao

Kristre ađi manotan đulariđ Go-Baba, boeha-miserako- jotoko Jisu marań

Tehen do sadharon okte reak' bar gel pańil Aŕthwar kana. Teheńak' Bhage Sombare, Probhu Jisu do Aċren Preritko noageye kuliyet'koa, "Hoŕko do Manwa Hopon okoe kanae menteko meneda?" Preritko khon aema jobab ńam tayom, Uni do ar hõ, Preritko thene noa kukliye dohokeda, "Menkhan ape do okoe ńańań mentepe meneda?" Sonot Patras do Jisu babot aema kathageye bađae kan tãhẽkana menkhan enre hõ, Jisu do uni khon kathate bađae do bań menkhan aŕkar babotgeye menjońkana.

Jisu babot bađae do alga katha kana; Uniaķ hukumko bađae do sadharon katha kana; Uniaķ sikhãunako bađae do bud-aķil reak' kańi kana menkhan ontor bhitri khon bađae do mimit' hoŕak lek kańi kana. Isai dhorom do eken bud-aķil reak' katha bań kana, eken itihassen Jisu bađae babot do bań kana menkhan Uni pańja babot kana, Uniaķ sikhãunako sap doho ar ona leka jion kemań kana ar Uniaķ Kurus gog kate, Uni tayomre ŕaramkana.

1. NIJTE JISU BAĐAE JAŔURTABONA-ITIHASREN JISU MOTO DO BAŔ

Sonot Patras do etak' hoŕko then khon bađaeakat' ar ańjomakat' jobab do bae emokkana, menkhan uni nijak' uttore emokkana. Uni doe meneńkana, "Am do Maşı, jiwet' Isorren Hopon kanam." Uni hõ, gadel hoŕko then khon Jisu babot aema katha ańjomleda are bađaeleda, menkhan uniaķ nijak' Isor aŕkar do ađige juda tãhẽkana ar ona reak' proman do, abo uniaķ katha hotetebon bujhaueńkana.

Abo sanam hõ, Jisu babot Baebel Puthi khon bon bađaeyet'kana, Girja hotete bon bađaeyet'kana, koejoń-binti hotetebon bađaeyet'kana, enre hõ, kukli do noage, "Jisu do iń lađit' okoe kanae?" Etak' hoŕ lađit', Uni doe Probhu kana, Baba kana, Maķik kana are Isor kana; menkhan iń lađit' Uni doe okoe kana? Okoe do ruŕ khone pharnaoakan, uni lađit' Uni doe bogeyiċ kana. Okoe do chaķri bań tãhẽ oktere, Uni thene seŕerakan ar chaķriye ńamakat', uni lađit' Jisu do goŕoyiċ hoŕ kanae. Am lađit' Jisu doe okoe kana? Noa kukli, Jisu do abo sanam hoŕko samańrege dohoynkana.

Tehen aboak' jobab do ceń kana? Aboak' jobab do ceń kana?

2. HARON KOSTORE HŌ, JISU PAŃJA DO JAŔURGEA

Jisu paŃja do ađi alga katha do baŋ kana. Jisu paŃja do ađige muskilgea. Uni paŃja mane-nijak jion lađit duk ar saset reak đahar bachaojoŋ kana. Uni paŃja mane- baeriko nij leka dular kana. Uni paŃja mane- ika haťin kana. Uni paŃja mane- goŕo-gopŕo haťin kana. Uni paŃja mane- maħir monte miť-eťakko sewa kana. Uni paŃja mane- Kurus reak đahar paŃja kana. Uni paŃja mane- biđae bađi kana. Uni do, abo sanamko alga đahar paŃja lađit do baŋ menkhan nijak kurus gog kate paŃja reak hohoe emawakatbona. Uni paŃjare se Uni tayom țaramre, abo do abo moto do banukbona menkhan abo sãote jaoge, Uni do menaea. Uni do- abo talareye taken kana.

3. AMAK JION DO KRISTAK ČATAENI CETANRE BAISAU JAŔURA

Jisu do Sonot Patras noa kathae metaekana, "... am dom Patras kana, ar noa dhiri cetanrege iŋak' mandereŋ benao rakaba". Miťten oŕak lađit do miťten ketec konac dhiri reak jarur paraoka. Cet leka miťten oŕak lađit, konac reak dhiri reak jarur paruokkana, onkage aboak jion oŕak lađit hŏ, dhoromteak konac jarurabon kana. Aboak jion monjte calao-benao lađit, dhoromre rehet hoyok tabona. țaka-paisa, dhon-sompod, oŕak-duar, nutum, ađari emanteakko do miť din bodoloka, menkhan Isorre rehet tãhẽn khan, okoe hŏ bako hilau đareyakbona. Sanam isaı boeha-miserako lađit, Kristge aboren asol rehet do. Unire rehet taken khan, aboak jion do sarbharauka ar bhagebon jo-bahaka.

Jisu Kristre rehet tãhẽlen khan, jion reak haron-kosto, duk-muhim, biđau, santao, ar hados reak oktere hŏ, Uni cetanre aas taken tabona. Unire rehet tãhẽnte hŏ, jionre Uniak hajirtebon atkar nama.

4. AMAK PAŤIAU DO AMAK SAHKIKANA

Sonot Patrasak saħhi katha do eken katha do baŋ kana. Uni do aćak jion ar katha hotete, Uni do saħhie emkeda. Aboak paťiau do- kami hotete sodor hoyoka. Aboak paťiau do- cal-colon, bhage namuna, bhage bebhār, ar bhage hudis hotete sodor hoyoka. Aboak kami hotete- Uniak marsal do jhalkao hoyok tabona. Abo do Bhage Sombat jahir hoyok tabona- aboak bhage kami hotete, aboak bhage cal-colon hotete, aboak bhage namuna hotete, aboak bhage hudis hotete, aboak daya-mãyã hotete, aboak ika-ipika hotete, aboak goŕo-gopŕo hotete ar aboak bhage mon-suba hotete. Aboak jion hotete- Uniren saħhi hoyok jarur tabona. Abo sanamko do- bhage jinis lađitge țengok jarur tabona.

Abo sanamko do, miť-eťakko lađit Bhage Sombat hoyok jarur tabona. Dhartiren aema hoŕge, Baebel Puthi parhao reak at ar okte bako nama, menkhan aboak jionge unko lađit Baebel puthi benao hoyok tabona.

5. JISU THEN KHON NAMAKAT MISSION KAMI DO PURAU JAŔURA

Jisu do Sonot Patras miťten mission kamiye emaekana. Jisu do uniye metaekana, "In do serma raj reak' kaťhikoŋ emama..." Jisu paŃja reak mane do kana- Jisuak mission kami purau. Jisu paŃja reak mane do kana- Jisuak Katha leka țaram. Mimiť isaı boeha-misera do- Uniak rajosti benao rakap lađit hohoe namakada. Uniak rajosti benao lađit do- dular-dupular, ika-ipika, goŕo-gopŕo, lekanak đaharko paŃja hoyoktabona.

Go-baba, naekeko, ayurko, mahasoeko, gidraکو, juanko ar kami hoŕko- sanamkoakge Uni khon namakat mission kami menaka tabona; ar ona do purau hoyok tabona. Uniak mission

katha anjomkate, kami hotete uduk jarur tabona. Uniak mission kami mane kana- aboak lek kami do nae-napaete purau hoyok tabona.

MUCAT KATHA

Tehen aboren Probhu Jisu do, abo sanamko samanre Sonot Patras leka kukliye dohoyekana, "... ape do okoe kanan mentepe meneda?" aboak jobab do eken katha moto do ban menkhan aboak kami ar bebhar hotete sodor hoyoktabona. Aboak jion do aboak jobab kana: "Jisu, Am do inren Probhu kanam. In do Amren patiauukkana. In do Amgen panjamea." Uni babot badae moto do ban bhageya. Uni do aboak jionre atkar jarurtabona. Uni do aboak jionren, jion Malik benao jarurtabona. Uni badae kate, Uni do panje hoyok tabona.

Dela tobe, dularia go-baba, boeha-miserako, Uni Jisu Krist do pura mone-jiwite panja hoyoktabona. Uni panjatege, abo lagit do jaejug jion menaka. Uniak Kathare tarantege, serma jion do menaka.

Nehor Koe

NAEKE / AYURIC: Kristre dularia Go-Baba, boeha-miserako, aboren Serma Baba do Acren Ekaput Hopon, noa dhartiren Babancacic hoyok lagitgeye emawakatbona. Sonot Patras leka, abo sanamko do Unire patiau sodor jarurtabona ar Uni thenge aboak koeko do saman jarurtabona. Dela aboak disom, aboak mission dinda, aboak atu-tola, aboak gharonj lagit, Uni thengebon koema. **Dela aboak roj rua do hoyokma:**

E Probhu, aleak koekore, Amak serma sisir dak bare jarieme.

E Sisirjauc Sirjon Baba, ale do aleren Girjaren Gukpic, Dhorom Papa Liyo lagitle nehorokkana, dayatamte, amak bhor dan te pereckaeme jemon Uni do sanam boeha-miserako talare rikir mone salak Bhage Sombate jahir ar sanamko do acak jion reak namuna hotete marsal dharreye ayurko. Noa lagit sahaj ar bhor dan bare emaeme. Noa lagit debon koema.

E Probhu, aleak koekore, Amak serma sisir dak bare jarieme.

E Sisirjauc Sirjon Baba, ale do ale dhorom subaren ayuc- aleren Bishop Baba- lagitle nehorokkana, amak sahaj unire jhalakaome ar bud-akil emaeme jemon uni do dhorom subaren sanam patiauanko dular reak tonolreye tolmitko ar sanamko do Girja reak Sakramentko atan reak atko namte, Isorak atkarko nam. Noa lagit debon koema.

E Probhu, aleak koekore, Amak serma sisir dak bare jarieme.

E Sisirjauc Sirjon Baba, ale do disomren sanam ayurko lagitle koeyetkana, okoeko do disomko calao-benaoetkan, Amak daya-dular ar bud-akil reak bhor dan unko cetanre jhalcao ocueme jemon unko do mimit manwa man-manot em reak sikhounako nam ar bhage mone salak sanamkoak lahanti lagitko kamie. Noa lagit debon koema.

E Probhu, aleak koekore, Amak serma sisir dak bare jarieme.

E Sisirjauic Sirjon Baba, ale do disomren sanam dhorom karonte sasettokkan horoko lagitle nehorokkana, okoeko do sari monte Amko pariyeťmekan ar Amak sikhajunako hatinetkan, sanamko cetanre Amak sahaj de jarieme jemon unko do Am cetanre jaoge aasko dohoe ar haron-kosto, duk-muhimre Amreko tehadok. Noa lagit' debon koema.

E Probhu, aleak koekore, Amak serma sisir dak bare jarieme.

E Sisirjauic Sirjon Baba, ale do unko sanam horoko lagitle lagitle nehoretkana, okoe do Am cetan khon patiau cabawankantako, dayatamte Amak dayakin mette bengetakome ar bhor dan emakome jemon digdha oktere, duk-muhim oktere, ruak-hasu oktere, Am unko saote menama, ona reak atkarko nam. Noa lagit' debon koema.

E Probhu, aleak koekore, Amak serma sisir dak bare jarieme.

E Sisirjauic Sirjon Baba, ale noa mission dinda reak sanam latu- katic gharonj lagitle koeyetkana, Amak sahaj unko sanamko cetanre de jhalkaome jemon mimit' gharonjren Malik do, Ammem tahente, juri-pari talare dular sarerok ar gidar-pidar do bhage sikhajunako namte, marsalren namunako hoyok. Noa lagit' debon koema.

E Probhu, aleak koekore, Amak serma sisir dak bare jarieme.

E Sisirjauic Sirjon Baba, ale do sanam isai boeha-miserako lagitle nehorokkana, amak dular reak umulre sanam isai boeha-miserakole jimayetkoa, bhor dan emakome jemon sanam isai boeha-miserako do mit monko tahente, Girjare sari dular-dupular do hara-buruk ar Girja do latuk. Noa lagit' debon koema.

E Probhu, aleak koekore, Amak serma sisir dak bare jarieme.

E Sisirjauic Sirjon Baba, ale do aleak mission dindaren sanam juan koru-kuriko lagitle nehorokkana, asokaete unko sanamko lagitge, okoe do dharti reak rij-ron ar hormoteak sanamre jionko kemaoetkana, unko sanamko Amak bhor dan emakome jemon unko do Isorak Katha ar Girja reak Sakramentko atahte, Isorko saote napam reak sahajiko nam. Noa lagit' debon koema.

E Probhu, aleak koekore, Amak serma sisir dak bare jarieme.

E Sisirjauic Sirjon Baba, ale do noa mission dinda ar atu-tola reak girja lagitle arojetkana, Amak bhor dan de jhalkaome jemon joto patiauan boeha-miserako do- Isor badae reak sahajiko nam ar sari mon salak panjate, serma sukko nam. Noa lagit' debon koema.

E Probhu, aleak koekore, Amak serma sisir dak bare jarieme.

NAEKE / AYURIĆ: E dulaj ar sanam sahajiren serma Baba, Am do Amren Hopontam serma ar dhartiren Babancoic lekam sodorakadea. Uni do daraekanic Krist kanae. Pataju salak tehenle, samanakat koe arojko do anjomtaleme bare! Amak sahaj bare emalem jemon Jisu Krist do eken bud-akil motote do ban menkhan bhitri ontor khonle panjayite, serma disom hole seterok. Serma sisor dak jarialeme jemon Amak Kathare patiarle taken dharti mucat dhacic. Ini aleren Probhu Krist hotete. **Amen.**

Fr. Nanku Nicholas Besra SDB
Don Bosco High & Technical School PVT ITI
Don Bosco Road, Krishnanagar, Nadia